

Iseraele Egepeta



SABATHA MANTSIBOEA

Bakeng sa Thuto ea Beke ena Bala: *Genese 46; Baro. 10:12, 13; Genese 47; Genese 48; Liketso 3:25, 26; Genese 49; Ba-Fili. 2:10; Gen. 49:29–50:21.*

Temana ea Khopolo: “Eaba Iseraele o aha lefatšeng la Egepeta, naheng ea Goshene, ’me ba rua teng, ba ata, ba ngatafala haholo-holo” (*Genese 47:27*).

Genese e buoa ka lilemo tsa h qetela tsa Jakobo le Josefa. Re bona Jakobo (Iseraele) a tloha Kanana (*Genese 46*) ho aha Egepeta (*Genese 47*), moo a tla shoella teng (Gen. 49:29–50:21). Leha ho le joalo, le hona mona Egepeta, taba ea lefatše la pallo e ntse e luma haholo likelellong tsa bona (*Gen. 50:22–26*).

Hang hoba Jakobo a fihle Egepeta, Jakobo o hlohonolofatsa Faro (*Gen. 47:7–10*), ka hona, a phethahatsa (karoloana) ea tšepiso ea Abrahamana ea ho ba tlhohonolofatso lichabeng tsohle (*Gen. 12:3*). Hamorao, ha a le makhetheng a lefu, Jakobo o hlohonolofatsa bara ba Josefa (*Genese 48*). Jakobo o boetse o hlohonolofatsa bara ba hae (*Gen. 49:1–28*) ’me o etsa bolepi bo hlolang ka e mong le e mong oa bona mabapi le bokamoso ba meloko e 12 ea Iseraele (*Gen. 49:1–27*).

Taba, leha ho le joalo, ea hore Iseraele o “ahile” kholehong, Egepeta, e le molata, e loantsana le tšepo ea lefatše la Pallo. Leha buka ea Genese ka boeona e qetella ka bana ba Iseraele Egepeta, a mang a mantsoe a Josefa a ho qetela a supa sebaka se seng: “ ‘Ke se ke ea shoa, ’me Molimo o tla le etela ruri, a le ntše naheng ena, a le ise naheng eo a hlapanyelitseng Abrahamana, Isaaka le Jakobo hore o tla ba nea cona’ ” (*Gen. 50:24*).

**Ithute thuto ea beke ena ho lokisetsa Sabatha sa la 25 Phuptjane.*

Jakobo o ea Ho Josefa

Bala Genese 46. Bohloko ba ho tloha hoa Jakobo Kanana ke bofe?

Ha Jakobo a sia motse oa hae Kanana, o tletse tšepo. Tiisetso ea hore a ke ke a hlola a lapa, le taba tse monate tsa hore Josefa o oa phela, e tlamcha e le ntho tse ileng tsa mo kenya morolo oa ho sia naha eo.

Ho tloha ha Jakobo ho re hopotsa maiphihlelo a Abrahama, leha Abrahama eena a ne a ea lefatšeng la Pallo. Jakobo o utloa tšepiso e tsoang le e ileng ea utluoa ke Abrahama ho Molimo, ea hore o tla mo “etsa sechaba se sehlo” (*Gen. 46:3; bapisa le Gen. 12:2*). Pitso ea Molimo mona e boetse e re re nahane ka selekane sa Molimo le Abrahama; maemong ana ka bobeli, Molimo o sebelisa mantsoe a tšoanang a fanang ka tiisetso “se tšohe” (*Gen. 46:3; bapisa le Gen. 15:1*), e fupereng tšepiso ea bokamoso bo hlhonorofetseng.

Tlhaloso e hlakileng ea ho thathamisa mabitso a bana Iseraele ba ileng Egepeta, ho kenyeletsa le barali ba hae (*Gen. 46:7*), e re hopotsa tšepiso ea Molimo ea hore Abrahama o tla ata le hona h’a ntse a e-so be le ngoana. Palo ea “mashome a supileng” e kenyeletsang Jakobo, Josefa, le bara ba hae ba babeli) e hlalosa taba ea ho phethahala. Ke “Iseraele eohle” e eang Egepeta. Ho boetse ho bohlokoa hore palo ea 70 e nyallana le palo ea lichaba (*Genese 10*), eleng se bontšang hore bokamoso ba lichaba tsohle bo liatleng tsa leeto la Jakobo.

’Nete ena e tla bonahala haholo lilemo-lemo kamora moo, kamora sefapano le tšenolo e feletseng ea leano la topollo, leo, haele hantle, e neng e le bakeng sa batho bohle, hohle, eseng feela baneng ba Abrahama.

La mantsoe a mang, ho sa natsoe hore na pale tsena tsa lapa lena li monate ha ka kang, peo ea Abrahama le lithuto tsohle tsa semoea tseo re ka iphumanenlang tsona mona—litaba tsena li lentsoeng la Molimo hobane ke karolo ea leano la Molimo la ho tliša topollo bathong ba bangata ka moo a ka khonang, lefatšeng lena le oeleng.

“Hobane moo haho khethoe Mojuda le Mogerike, ka hobane morena oa bohle o mong, ea ruetseng ho sitsa bohle ba bitsang ho eena. Hobane mang le mang ea rapelang lebitso la Morena, o tla bolokeha’ ” (*Baro. 10:12, 13, NKJV*). **Pualosi o reng moo e bontšang hore evangeli ke ea ka lefatše lohle? Ho feta mona, mantsoe aa a reng ho rona malebana le seo re le kereke re lokelang ho se etsa ho thusa ho hasa evengeli?**

Jakobo o Aha Egepeta

Ho'a thahasellisa kamoo, leha Jakobo a ne a bolelletsoe ntho tsena kaofela malebana le hore Josefa o ntse a phela Egepeta, Jehova o ile a mo pheta ka "lipono tsa bosiu" (*Gen. 46:2*) tseo a neng a mo laela hore a tsamae. Jakobo o furalla lefatše la Pallo, hara mafatše ana kaofela, ho ea Egepeta—eo hamorao, e amahangoang le se seng sa libaka tseo batho ba Molimo ba sa batleng ho iphumana ba le ho tsona (*Deut. 17:16*).

Bala **Genese 47. Ke linnete life tsa semoea le metheo eo re ka e fumanang tihalosong ee?**

"Josefa o ile a nka bana babo ba bahlano ho ba hlahisa ho Faro le ho fumana tumello ea hae ea ho aha moo a ba tšepisitseng teng. Teboho eo a neng a ka e fa tonakholo ea hae e ne e ka ba ho ba khethela ho ba matona 'musong oa hae; empa Josefa, ea tšepahallang Molimo oa hae, a etsa hore a pholose bana babo litekong tse neng li ka hlaha mabaleng a bohetene; eaba o ba eletsa hore ha morena a ba botsa, ba se mo patele mesebetsi ea bona. Bara ba Jakobo ba ile ba latela keletso ena, ba le seli hore ba bontše hore ba tlile ho tla jaka naheng eo, eseng ho ba baahi ba ka ho sa feleng, ka mokhoa ona ba sala ba na le bolokolohi ba ho itsamaela nako eohle ha ba batla. Morena a ba fa naha, joalokaha ho bontšitsoe, 'naheng e ntle-tle,' ea Goshene."—Ellen G. White, *Patriarchs and Prophets*, leq. 233.

Ka bohlale, Faro le eena h'a kothaletse bajaki bana ho ba mekopa-kopa, e phelang ka ho khaketsoa ke beng ba naha. O ba botsa ka "mesebetsi ea bona" (*Gen. 47:3*) hore ba khone ho tloaela naha ena ea bona e ncha kapele. O boetse o ikemiselitse ho sebelisa litsebo tsa bona, o bile o hlahisa hore ba mo sebeletse e le "bahlahlobi ba mehlape ea hae" (*Gen. 47:6*).

Ka hona, leha Jakobo, oa letsoa-ntle, a le monyenyanane, o eme ka pela moetapele oa naha, 'me joalokaha temana e cho, "Jakobo a hlohonolofatsa Faro" (*Gen. 47:7*). Eena molata ea fatše, *ke eena ea hlohonolofatsang Faro, 'musi oa Egepeta e matla?* Hobaneng?

Kutu-ketso 'amad lifney, "a 'mea pela . . ." (*Gen. 47:7*), hangata e sebelisoa haho buooa ka Baprista (*Lev. 14:11*). Ha u sheba hore Egepeteng oa khale, Faro o ne a e na le maemo a Moprista e moholo, sena se bolela hore, semoeng, Jakobo o moholo ho feta moprista e moholo-holo oa Egepeta, holimo ho feta le eena Faro.

Hore na re ka ba maemong afe bophelong, seo se lokela ho bolela eng ho rona, ho ea kamoo re etsang ba bang kateng, hore re "moloko o khethiloeng, le baprista le marena, le mofuta o halalelang" (1 Pet. 2:9)? Tumelo ea rona e re fa boikarabello bofe?

Jakobo o Hlohobolofatsa Josefa

Ha Jakobo a le haufi le lefu, o hopola pejana ha a ne a khutlela Bethele (*Gen. 35:1–15*), h'a tla fumana tšepiso e nchafalitsong ea “ho ruoa ka ho sa feleng” (*Gen. 48:4*) e neng e fuoe Abrahamama (*Gen. 17:8*). Tšepo ea lefatše la pallo ka hona, ke khotatso e mo fang morolo h'a atamela ntšhi tsa lebitla. Ka hona, Jakobo o retelehela ho bara ba babeli ba Josefa, ba tsoaletsoeng Egepeta, o oa ba hlohonolofatsa, empa o etsa seo a ipapisitse le tšepiso ea kamoso malebana le peo ea hae.

Bala Genese 48. Hobaneng Jakobo a ile a hlohonolofatsa bara ba babeli ba Josefa moo, eseng litloholaana tse ling tsa hae?

Bara ba babeli ba Josefa, Manase le Efraime, ke tsona feela litlohola tse hlohonolofatsoang ke Jakobo. Ka hona, ba tloha boemong ba ho ba litloholaana ho ea ea ho ba bara (*Gen. 48:5*). Leha tlhohonolofatso ea Jakobo e bontša bohola ba ea bobeli (Efraime) holima ea pele (Manase), tlhohonolofatso ea Jakobo e malebana le Josefa feela. (*Gen. 48:15*).

Seo re se bonang mona ke bopaki ba motho ka mong ba ho tšepahala hoa Molimo ho bona le tšepiso ea hae ea bokomoso ba bona. Jakobo o buoa ka Molimo oa Abrahamama le Isaaka (*Gen. 48:15*), ea faneng ka lijo le tšireletso ho bona. Ke eena Molimo ea “‘namoletseng bobeng bohle” (*Gen. 48:16*). Jakobo o boetse o hopola “Molimo oa Bethele” (*Gen. 31:13*), eo a betaneng le eena (*Gen. 32:29*) ea fetotseng bitso la hae ho tloha ho Jakobo ho ba “Iseraele” (*Gen. 32:26–29*).

Ka ho buoa ka maiphihlelo ana ohle, moo Molimo o fetolang bobo botle, Jakobo o buoa ka tšepo ea hae ea hore Molimo h'a na nka taolo ea maphelo a litlohola tsa hae hona joale feela, joalokaha a entse ho eena le Josefa, o nahana le ka bokamoso, mohlang litloho-tloholaana tsa hae li khutlelang Kanana. Tšepo ena e hlakile ho tloha ka moo a buoang ka Sikeme ka teng (*Gen. 48:22*), ha se hore o buoa ka sekotoana sa naha seo a neng a se rekile feela (*Gen. 33:19*) empa hape ke sebaka seo masapo a Josefa a neng a tla patoa teng (*Josh. 24:32*) hape moo naha e tlang ho aroleloa meloko e leshome le metso e meraro teng (*Josh. 24:1*). Le hara tsohle tse etsahetseng, Jakobo o ile a beha ka kelellong litšepiso tsohle tsa Molimo ea ileng a re “malapa ohle lefatšeng a tla hlohonolofatsoa ka lelapa lena” (*Gen 12:3*).

Bala Liketso 3:25, 26. Ho ea ka Petrose, tšepiso ee ea Genese 12:3 e ne e phethatsoa joang? Rona, re fumane tlhohonolofatso ee joang?

Jakobo o Hlohonolofatsa Bara ba Hae

Bala Genese 49:1–28. Bohlokoa ba tlhohonolofatso ea Jakobo bareng ba hae ke bofe semooeng?

Ka holimo ho boporofeta bo malebana le histori ea hang hang ea meloko ea Iseraele, Jakobo o bona Mesia le tšepo ea pholoso ea moshoelella. Tšepo ena e se ntse e bontšitsoe mantsoeng a pele a Jakobo “mehleng ea bofelo” (*Gen. 49:1*), eleng se ka bontšang ho tla ha Morena Mesia (*Esa. 2:2, Dan. 10:14*).

Litemana joale li bua ka bokamoso ba leloko la e mong le e mong oa banna bana. Tsena ha se pheletso tse ngotsoeng lejoeng, joalokaha e ka ke Molimo ea entseng hore ba fete hara tseo ba tla feta hara tsona; empa ke tlhaloso ea tse tla tlisoa ke limelo tsa bona le bana ba bona. Mohlala, hore e be Molimo o oa tseba hore mang-mang o tla bolaea batho ba senang molato, ho fapane hole-hole le hore ke Molimo ea neng a batla hore motho ea joalo a etse ketso eo e soto.

Bala Genese 49:8–12. Ke boporofeta bofe bo fanoang moo, 'me ke hobaneng bo le bohlokoa?

Kaholimo-limo ho bolokolohi ba ho ikhethela, Molimo o tseba bokamoso, 'me o hlophisitse hore Mesia a tsoaloe lelokong la Juda. Juda (*Gen. 49:8–12*), eo letšoao la hae e leng tau (*Gen. 49:9*), o emetse borena le thoriso. Juda o tla tsoala morena Davida, empa le Shilo, ke hore, ea tla tlisa shalom, “khotso” (*Esa. 9:6, 7*) eena “lichaba li tla mo utloa” (*Gen. 49:10*).

Ka nako e telele Bajuda ba bone sena e le boporofeta bo supang ho tlang ha Mesia, ka ho tsoana, Bakreste le bona ba bone temana ena e supa ho Jesu. “Le lichaba li be li mo utloa” (*Gen. 49:10*), ke hore, mohlomong, ketella-pele ea tšepiso ea Testamente e Ncha “hore mangole ohle a khumamele lebitso la Jesu” (*Bafilipi. 2:10*).

Joalo kaha Ellen G. White a ngotse: “Tau, morena oa naha, ke letšoao le letle bakeng sa moloko ona, leo Davida a tsoileng ho lona, 'me mora Davida Shilo, ‘tau ea 'nete ea leloko la Juda,’ ea tla khumamelo ke mebuso eohle lichaba tsohle li mo fa tlotla.”—*Patriarchs and Prophets*, leq. 236.

Hobaneng re lokela ho fa Jesu tlotla hona joale, le pele lichaba tsohle li etsa joalo?

Tšepo ea Lefatše la Pallo

Bala **Genese 49:29–50:21.** 'Moko-taba e meholo e fumanoang qetellong ea buka ea Genese ke efe?

Qetello ea Genese e entsoe ka liketsahalo tse tharo tse tletseng tšepo.

Ea pele, ke tšepo ea hore Iseraele e tla khutlela Lefatšeng la Pallo. Moshe, sengoli sa Genese, o hlalosa mafu le ho patoa ha Jakobo le Josefa e le liketsahalo tse supang lefatšeng la Pallo. Hang-hang kamora tlhohonolofatso ea hae le boporofeta ba “meloko e leshome le metso e ’meli ea Iseraele” (*Gen. 49:28*) Jakobo o nahana ka lefu la hae, 'me o laela bara ba hae ho mo epela naheng ea Kanana, lehaheng le tšimong ea Makpela, moo Sara a epetsoeng teng (*Gen. 49:29–31*). Thlaloso e phetang mokoloko oa phupu ea hae ho ea Kanana e fetoha ketella-pele ea phallo ea ho tsoa Egepeta e etsahetseng lilemo-lemo kamora moo.

Ea bobeli, ke tšepo ea hore Molimo o tla fetola bobele. Kamora lefu le kepele oa Jakobo, bana babo Josefa ba khathatsehile ka bokamoso ba bona. Ba tšohile hore Josefa o tla iphetetsa. Ba tla ho Josefa ba ithapalatsa ka pela hae, ba itokiselitse ho ba bahlanka ba hae (*Gen. 50:18*), eleng ketsahalo e re hopotsang litoro tsa boporofeta ba Josefa. Josefa o boela a ba tiisetse ho se “tšohe” (*Gen. 50:19*), poleloana e supang bokamoso (*Gen. 15:1*); hobane se neng se “reretsoe ho ba bobele” khahlanong le eena, “Molimo a se etsa botle” (*Gen. 50:20*), 'me a etsa hore liketsahalo tseo e be tse isang topollong (*Gen. 50:19–21; bapisa le Gen. 45:5, 7–9*). Ke hore, le hara ho hloleha ho ho kalo-kalo ha batho, borena ba Molimo bo tla fetola tsohle.

Ea boraro, ke tšepo ea hore Molimo o tla lopolla batho ba oeleng. Pale ea lefu la Josefa temaneng tlena tsa Genese, se sehlo ho feta lefu la hae feela. Se makatsang, Josefa h'a laele hore masapo a hae a patoe. Empa o supa nakong eo “ruri Molimo o tla le etela, 'me nakong eo, le tle le tlose masapo a ka koano” (*Gen. 50:25*), eleng seo ba ileng ba se etsa, lilemo-lemo kamora moo, e le ho phetha taelo eo (*sheba Exoda 13:19*). Qetellong, tšepo ea Lefatše la pallo, Kanana, ke letšoao, ketella-pele ea tšepo ea moshoelella ea pholoso, ea khutlisetso, ea Jerusalema e ncha lefatšeng le Lecha—tšepo ea moshoelella ea rona bohle, tšepo e tiisitsoeng ke lefu la Shilo.

Bala Tsenolo 21:1–4. Litemana tsee li emetse tšepo e babatsehlang ho feta tsohle, eo re nang le eona joang? Ntle le tšepiso ena, ke tšepo efe eo re nang le eona ho e na le lefu feela leo eleng tharollo ea mathata a rona kaofela?

Nahanisisa ka Botebo: Ellen G. White, “Joseph and His Brothers,” ho Patriarchs and Prophets, maq. 233–240.

“Bophelo ba Josefa bo hlalosa bophelo ba Kreste. Ebile mōna o entseng hore bana babo ba mo rekise ho ba lekhoba; ba ne ba nahana hore ba tla mo thibela ho ba moholo ho ba feta. Joale ea re ha a rekisetsoa Egepeta, ba ithorisetsa hore ha ba sa tla utloa ka litoro tsa hae, hore ba tlositse khonahalo eohle ea hore li ka etsahala. Empa ketso ena ea bona ea fetoloa ke ea Molimo a ileng a etsa hore eona ntho’eo ba neng ba e thibela e etsahale. Ka ho tšoana, baprista le baetapele ba Bajude ne ba mōnela Kreste, ba tšaba hore o tla hohella batho bohle ho eena. Ba ’molaea, ho mo thibela ho ba Morena, empa ka ketso eo, ba etsa hore seo se etsahale.

“Josefa, ka bokhoba ba hae Egepeta, o ile a lopolla lelapa la ntat’ae, taba ena ha e eaka ea fokotsa molato oa bana ba babo. Ka ho tšoana, ho thakhisoa ha Jesu sefapanong ke lira tsa hae ho mo entse Mopholosi oa batho bohle, mopholosi oa batho ba oeleng, le Morena oa lefatše lohle; empa bobo bo entsoeng ke babolai ba hae e n’e le ketsahalo e mpe hona hoo e kang letsoho la Molimo ha se lona le neng le tataisa liketsahalo tseo bakeng sa khanya ea hae le molemong oa motho.

“Jolokaha Josefa a ile a rekisetsoa bahetene ke bana babo, le Kreste o ile a rekisetsoa lira tsa hae ke e mong oa barutuo ba hae. Josefa o ile a etselletsoa a hlalelela chankaneng ka baka la seriti sa hae; le Kreste o ile a nyatsoa a furalloa ka baka la ho loka hoa hae, bophelo ba hae ba ho iketsa sehlabelo bo neng bo khalema sebe; leha a ne a se na molato, o ile a fuoa tsuo ka bopaki ba paki tsa leshano. Mamello le bonolo ba Josefa, hara ho hlokela toka le ho etseletsoa, ho ikemisetsa ho tšoarella ha hae, kutloelo-bohloko ea hae baneng babo ba tsoileng tseleng, ho emetse ho mamella ntle le ho belaela ha Mopholosi ho batho ba senyehileng, le tšoarello ea hae eseng ho babolai ba hae feela, empa le ho bohle ba tllileng ho eena ba ipolela libe ba kopa tšoarello.”—Ellen G. White, *Patriarchs and Prophets*, leq. 239, 240.

Lipotso tsa ho Qoqoa:

- ❶ Kamora ho hloka hloka hoa Jakobo, bana babo Josefa ba ile ba tšoha hore joale Josefa o tlo batla ho iphetetsa. See se re rut’ang ka molato oo ba neng ba ntse o kakatletse? Karabo ea Josefa e re ruta eng ka tšoarello ea ea molato?
- ❷ Tse ling tsa ntho tse tšoanang tseo u ka li fumanang bophelong ba Josefa le ba Jesu ke life?
- ❸ Tsepamisa maikutlo tabeng ea hore leha Molimo a tseba bokamoso, re ntse re lokolohile ho ikhethela. Re nyalanya taba tsee tse peli joang?